

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Von einer Besatzung die Mauren zuschwechen.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Von allerhand kriegsrüstung vnd gebrauch/

Kriegsvold/geschütz vnd Keyssigen im graben stecken bleyben/ein theyl hinüber kom/ein theyl wie offft mitt grossen nachtheyl geschicht/genöt bleyben/Item an den Zeunen vnd hecken die Ordnung zertrennt vnd gebrochen werde.

Gleicher gestalt sol bedacht werden/wa du den feynd nit angreiffen/sonder in deinem vortheyl seins angriffs erwarten wöltest/nemlich/wa du vor dir oder zum seitten/oder rucken hast greben/moss/wasser/vnwegsame Bichel/hecken/oder was dir zum vorteil dienen mag/dz alles solt du mit Schützen/oder in ander weg besetzen/vñ vnderstehn daruor zusein/damit dir der selbigen vorteyl keiner abtrungen werden möge/vnd souil in der not vnd eil geschehen mag/noch mehr verharren/verhacken/brücken abwerffen vnd befestigen/dann man mag leicht ein vorteyl haben/darander feind muß ein schnapp oder nachteyl leiden/darauf ime das hertz empfellt/vnd den freunden einen mut vnd hertz macht/vnd ist aller ding dem verhängigen/besonnen/erfahren Kriegsmann sein achtung auff den vortheyl zuhaben/vnd deren keiner one bessere vrsachen zubegeben.

Es ist auch wa es mitt guter gelegenheyt geschehen mag/allwegen die Sonn vnd der Wind auff den rücken zunemmet/des heissen blendenden/vnd mattmachenden Sonnenscheins/auch souil den Wind betrifft/des staubs vnd sunst mehr vrsachen halben.

Vber wasser zukommen.

Es ist gut vnd vonnöten/so ein Kriegsvold mitt heers Krafft in ein frembd Land zeucht/das man mittfüre ein namhafte anzal ledern Seck in zimlicher gutter grösse/die gar beheb/fleissig vnd wol geneyt seyen/vnd so man an Schiffreiche wasser kompt/werden dieselbigen auffgeblasen/mit seylern angehefft/hölzer vnd blöck darauff gelegt/zugleich wie andere schiff brücken/vnd also mag man ein völd vber ein wasser bringen/Wan möcht auch so man Schiffbrücken mittfürt/ettwan viel solcher liderne seck mittfüren/vnd zwischen die schiff einmischen/erspart viel fur/dann man kan die ledern seck geschmeidig zusammen legen/vnd so man also die seck hat/sein die schiff auch gut ettwan so noth/völd darinn vber zuführen.

Von einer Besatzung die Mau- ren zuschwechen.

Item wo ein maur fast fest were/vñ sich nit gern zerschliessen lassen wölt/wo man dan darzu kommen möcht one schade/so trag man gross hauffen holz

holz vnd reiß darzu/zünd dasselbig an/so schwecht dz die maur gar hefftig/
Also ließ Attila zu Aglar ein grossen hauffen Sättel an die mauren tragen
vnd anzünden/schwecht also die mauren/vnd erobert die Stat dardurch.

Ein Land oder Läger zu befestigen.

Item so man etwann wölt ein Lands art/Thal/Feld oder Läger befe-
stigen/da man sich gedächte ein zeit lang zuenthalten vñ weeren/so nem-
man grosse Eychine/Büchine vnd andere hölzer/dann schräncke man
ein hag/etwann zwenzig oder mehr schuch dick/vnnd so hoch/darzwischen
mit erden/steinen vnnd aller hand materi außgefüllt/so man auch also auß-
füllt/so grebt man gleich damit daruor oder darhinder/wa es am besten ist/
ein graben der auch zur befestigung nutz vnd gut ist/man mag auch Wehrn
vnd Bollwerck darein machen/Also haben sich die Vngern vor gar langen
zeiten in irem Land verbawen/vnd dardurch sich tres feinds erwehrt.

In Schlachten wider ein Reys- sigen Zeug.

Item so ein Fußvolck mangel am Reysigen Zeughette/vnnd die Seynd-
igen mit Reysigen zustarck vnnd vberlegen weren/so mag der Fußzeug
gar einen gutten behelff haben wider die Reysigen/also das sie machen
vil guter streytwägen mit krummen vnd scharpffen Segessen/auch spizen/
vnd in ander weg wie man dann im Vegetio conterseit findet/vnd die alten
gebraucht haben/damit mögen sie jr Ordnung vor den Reysigen befestigen/
vnd können nicht deyster weniger mitt den streytwägen wa not/jhr Ordnung
verrucken.

Nota.

Anno 43. 16. Haben die Türcken Ofen vnnd Bäst inngehabt/vnnd ist
vonn dem Römischen Reich Kriegsvolck in Hungern gezogen/vnnd
vor Bäst gelegen/haben sich die Türcken des vorteils gebraucht/vnnd
ein Ketten vonn Ofen bis gehn Bäst vber die Thonaw gemacht/zufürkom-
men/das niemand die Thonaw hinab hat mögen kommen/vnnd wird ge-
sagt vonn vielen/das ein jeder ring oder gleych/an derselbigen Ketten hab
funff pfund gewogen/vnd seind durch die Ketten grosse Blöck gemacht ge-
wesen/ein jegklich hat sein eygen block gehabt/also/das die gang Ketten in
wasser empor geschwommen/auch auff dem Land damit vnderstützt gewe-
sen/solliche vorthail werden noch heutigs tags noch vil bey den Türcken ge-
braucht.

Wie